



**სსიპ ციფრული
მმართველობის სააგენტო**

20 / ივლისი / 2023 წ.



KA012114371331523

№ 61/ს

თავმჯდომარის ბრძანება

**საქართველოს იუსტიციის სამინისტროს მმართველობის სფეროში მოქმედი
საჯარო სამართლის იურიდიული პირის - სახელმწიფო სერვისების განვითარების
სააგენტოს ავტორიზაციის შესახებ**

ავტორიზაციის მსურველი პირი: საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირი - სახელმწიფო სერვისების განვითარების სააგენტო (შემდგომში - სახელმწიფო სერვისების განვითარების სააგენტო)

მოთხოვნა: სახელმწიფო სერვისების განვითარების სააგენტოსთვის კვალიფიციურ სანდო მომსახურებებზე ავტორიზაციის მინიჭება.

აღწერილობითი ნაწილი

„საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - სახელმწიფო სერვისების განვითარების სააგენტოს ავტორიზაციის შესახებ“ საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - ციფრული მმართველობის სააგენტოს 2021 წლის 21 ივლისის № 17/ს ბრძანებით სახელმწიფო სერვისების განვითარების სააგენტოს მიენიჭა ავტორიზაცია 2 წლის ვადით შემდეგი მომსახურებებისთვის:

- ა) კვალიფიციური ელექტრონული ხელმოწერის სერტიფიკატის გაცემა პირადობის (ბინადრობის) ელექტრონულ მონმობაზე;
- ბ) კვალიფიციური ელექტრონული შტამპის სერტიფიკატის გაცემა:
 - ბ.ა) განმცხადებლის მიერ წარდგენილ კვალიფიციური ელექტრონული შტამპის შექმნის საშუალებაზე;
 - ბ.ბ) განმცხადებლის ინფრასტრუქტურაში ინტეგრირებულ კვალიფიციური ელექტრონული შტამპის შექმნის საშუალებაზე;
 - ბ.გ) სააგენტოს კვალიფიციური ელექტრონული შტამპის შექმნის საშუალებაზე;
 - ბ.დ) სააგენტოს ინფრასტრუქტურაში ინტეგრირებულ კვალიფიციური ელექტრონული შტამპის შექმნის საშუალებაზე;
- გ) დროის კვალიფიციური აღნიშვნის მომსახურების მიწოდება;
- დ) სსიპ სახელმწიფო სერვისების განვითარების სააგენტოს მიერ გაცემული სერტიფიკატების ავტომატური შემოწმების მომსახურება;
- ე) გაუქმებული სერტიფიკატების სიის გამოქვეყნება.

2023 წლის 19 ივნისის N01/143269 (ციფრული მმართველობის სააგენტოში შემოსვლის თარიღი და ნომერი: 20/06/2023, N 1263) განაცხადის საფუძველზე, სახელმწიფო სერვისების განვითარების სააგენტომ მოითხოვა ავტორიზაცია შემდეგი მომსახურებებისათვის:

- ა) კვალიფიციური სანდო მომსახურება ელექტრონული ხელმოწერის კვალიფიციური სერტიფიკატის შექმნისა და ვალიდაციისთვის
- ა.ა) კვალიფიციური ელექტრონული ხელმოწერის სერტიფიკატის გაცემა პირადობის (ბინადრობის) ელექტრონულ მონმობაზე (ავტორიზაცია მიღებულია);

ბ) კვალიფიციური სანდო მომსახურება ელექტრონული შტამპის კვალიფიციური სერტიფიკატის შექმნისა და ვალიდაციისთვის

ბ.ა) კვალიფიციური ელექტრონული შტამპის სერტიფიკატის გაცემა განმცხადებლის მიერ წარდგენილ კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

ბ.ბ) კვალიფიციური ელექტრონული შტამპის სერტიფიკატის გაცემა განმცხადებლის ინფრასტრუქტურაში ინტეგრირებულ კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

ბ.გ) კვალიფიციური ელექტრონული შტამპის სერტიფიკატის გაცემა სააგენტოს კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

ბ.დ) კვალიფიციური ელექტრონული შტამპის სერტიფიკატის გაცემა სააგენტოს ინფრასტრუქტურაში ინტეგრირებულ კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

გ) კვალიფიციური სანდო მომსახურება დროის კვალიფიციური აღნიშვნის შექმნისათვის

გ.ა) დროის კვალიფიციური აღნიშვნის მომსახურების მიწოდება (ავტორიზაცია მიღებულია);

ავტორიზაციის შესახებ განაცხადს თან ერთვის:

ა) შესაბამისობის შემფასებელი ორგანოს (CAB) მიერ გაცემული სერტიფიკატები;

ბ) შესაბამისობის შემფასებელი ორგანოს (CAB) მიერ გაცემული აუდიტის ანგარიში;

გ) სსიპ - სახელმწიფო სერვისების განვითარების სააგენტოს ბიზნეს უწყვეტობის გეგმის დამტკიცების შესახებ“ სახელმწიფო სერვისების განვითარების სააგენტოს თავმჯდომარის 2021 წლის 19 თებერვლის № 98/ს ბრძანება, მისი დანართები და მასში შესული ცვლილებები;

დ) „საჯარო სამართლის იურიდიული პირის - სახელმწიფო სერვისების განვითარების სააგენტოს ბიუჯეტის დამტკიცების შესახებ“ სახელმწიფო სერვისების განვითარების სააგენტოს თავმჯდომარის 2022 წლის 30 დეკემბრის №1293/ს ბრძანება, მისი დანართები და მასში შესული ცვლილებები;

ე) „სანდო და კვალიფიციური სანდო მომსახურების მიწოდების, კრიპტოგრაფიული გასაღებების სერტიფიკატის შექმნის, გაცემისა და მასთან დაკავშირებული მომსახურებების განვითარების შინაგანაწესის“ დამტკიცების შესახებ სახელმწიფო სერვისების განვითარების სააგენტოს თავმჯდომარის 2021 წლის 24 მარტის № 140/ს ბრძანება და მისი დანართი;

ვ) ავტორიზაციისთვის დადგენილი საფასურის გადახდის დამადასტურებელი დოკუმენტი;

ზ) კვალიფიციური სანდო მომსახურებების აღწერა და ჩამონათვალი ელექტრონული ფორმით.

ავტორიზაციის შესახებ განაცხადზე თანდართული 2023 წლის 20-23 მარტის აუდიტის (შეფასების) ანგარიში მომზადებულია შპს “QSCert”-ის მიერ და მასში ასახულია საერთაშორისო სტანდარტების (ETSI EN სტანდარტების სერია), „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონისა და შესაბამისი კანონქვემდებარე ნორმატიულ აქტებთან მიმართებით შიდა კონტროლების სისტემის, მმართველობითი და სერტიფიკაციის მხარდაჭერი პროცესების, ასევე ტექნიკური კონფიგურაციების მიმდინარე მდგომარეობის შეფასება.

აუდიტის ანგარიშის შესაბამისად, სახელმწიფო სერვისების განვითარების სააგენტოს მიერ მითითებული მომსახურებების შეფასება განხორციელდა „კვალიფიციური სანდო მომსახურების მიწოდებისთვის სავალდებულო ტექნიკური რეგლამენტის დამტკიცების შესახებ“ საქართველოს მთავრობის 2018 წლის 28 ივნისის №343 დადგენილებისა და შემდეგი სტანდარტების მიმართ:

- ევროპარლამენტისა და საბჭოს რეგულაცია (EU) No 910/2014 შიდა ბაზარზე ელექტრონული ტრანზაქციების ელექტრონული იდენტიფიკაციისა და სანდო მომსახურების შესახებ და 1999/93/EC (eIDAS) დირექტივის გაუქმების შესახებ;

- ETSI EN 319 401 ელექტრონული ხელმოწერები და ინფრასტრუქტურები (ESI); ზოგადი პოლიტიკის მოთხოვნები სანდო მომსახურების პროვაიდერებისთვის;

- ETSI EN 319 411-(1,2) პოლიტიკა და უსაფრთხოების მოთხოვნები TSP სერტიფიკატების გაცემისთვის (Electronic Signatures and Infrastructures (ESI); Policy and security requirements for Trust Service Providers issuing certificates; Part 2: Requirements for trust service providers issuing EU qualified certificates);

- ETSI EN 319 421 ელექტრონული ხელმოწერები და ინფრასტრუქტურა (ESI); პოლიტიკა და უსაფრთხოების მოთხოვნები სანდო მომსახურების პროვაიდერებისთვის, რომლებიც გასცემენ დროის აღნიშვნას (Electronic Signatures and Infrastructures (ESI); Policy and Security Requirements for Trust Service Providers issuing Time-Stamps).

სამოტივაციო ნაწილი

წარმოდგენილი განაცხადის განხილვის ფარგლებში, სახელმწიფო სერვისების განვითარების სააგენტოს მიერ წარმოდგენილი აუდიტის დასკვნისა და სხვა მტკიცებულებების შეფასების საფუძველზე ირკვევა, რომ სსიპ სახელმწიფო სერვისების განვითარების სააგენტო აკმაყოფილებს როგორც „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის, ისე -

„კვალიფიციური სანდო მომსახურების მიმწოდებლისთვის სავალდებულო ტექნიკური რეგლამენტის დამტკიცების შესახებ“ საქართველოს მთავრობის № 343 დადგენილებითა და „კვალიფიციური სანდო მომსახურების მიმწოდებლის ავტორიზაციისა და ზედამხედველობის წესის განსაზღვრის შესახებ“ საქართველოს იუსტიციის მინისტრის №308 ბრძანების მოთხოვნებს განაცხადში მითითებული ყველა სანდო მომსახურების მიმართ.

ზემოთ აღნიშნულის გათვალისწინებით, სააგენტომ ისარგებლა დისკრეციული უფლებამოსილებით და საქართველოს ზოგადი ადმინისტრაციული კოდექსის 52-ე და 53-ე მუხლების, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის, ასევე „კვალიფიციური სანდო მომსახურების მიმწოდებლისთვის სავალდებულო ტექნიკური რეგლამენტის დამტკიცების შესახებ“ საქართველოს მთავრობის 2018 წლის 28 ივნისის № 343 დადგენილების პირველი მუხლის მე-2 პუნქტის, „კვალიფიციური სანდო მომსახურების მიმწოდებლის ავტორიზაციისა და ზედამხედველობის წესის განსაზღვრის შესახებ“ საქართველოს იუსტიციის მინისტრის 2018 წლის 28 ივნისის № 308 ბრძანებით დამტკიცებული წესის პირველი მუხლის მე-3 პუნქტის „ა“ ქვეპუნქტის, მე-3 მუხლის მე-7 პუნქტის, მე-5 და მე-6 მუხლების საფუძველზე,

გადანწყობა:

1. სახელმწიფო სერვისების განვითარების სააგენტოს მიენიჭოს ავტორიზაცია შემდეგი კვალიფიციური სანდო მომსახურებების მიმართ:

ა) კვალიფიციური სანდო მომსახურება ელექტრონული ხელმოწერის კვალიფიციური სერტიფიკატის შექმნისა და ვალიდაციისთვის

ა.ა) კვალიფიციური ელექტრონული ხელმოწერის სერტიფიკატის გაცემა პირადობის (ბინადრობის) ელექტრონულ მოწმობაზე (ავტორიზაცია მიღებულია);

ბ) კვალიფიციური სანდო მომსახურება ელექტრონული შტამპის კვალიფიციური სერტიფიკატის შექმნისა და ვალიდაციისთვის

ბ.ა) კვალიფიციური ელექტრონული შტამპის სერტიფიკატის გაცემა განმცხადებლის მიერ წარდგენილ კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

ბ.ბ) კვალიფიციური ელექტრონული შტამპის სერტიფიკატის გაცემა განმცხადებლის ინფრასტრუქტურაში ინტეგრირებულ კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

ბ.გ) კვალიფიციური ელექტრონული შტამპის სერტიფიკატის გაცემა სააგენტოს კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

ბ.დ) კვალიფიციური ელექტრონული შტამპის სერტიფიკატის გაცემა სააგენტოს ინფრასტრუქტურაში ინტეგრირებულ კვალიფიციური ელექტრონული შტამპის შექმნის საშუალებაზე (ავტორიზაცია მიღებულია);

გ) კვალიფიციური სანდო მომსახურება დროის კვალიფიციური აღნიშვნის შექმნისათვის

გ.ა) დროის კვალიფიციური აღნიშვნის მომსახურების მიწოდება (ავტორიზაცია მიღებულია);

2. დასრულდეს სახელმწიფო სერვისების განვითარების სააგენტოს 2023 წლის 19 ივნისის № 01/143269 განაცხადის (ციფრული მმართველობის სააგენტოში შემოსვლის თარიღი და ნომერი: 20/06/2023, N 1263) განხილვა. აღნიშნული გადაწყვეტილება მიღებისთანავე გამოქვეყნდეს ვებგვერდზე (www.data.gov.ge) და ძალაში შევიდეს 2023 წლის 21 ივლისს;


3. სახელმწიფო სერვისების განვითარების სააგენტოს ავტორიზაციის შესახებ ინფორმაცია შეტანილ იქნას კვალიფიციური სანდო მომსახურების მიმწოდებლებისა და მათ მიერ შეთავაზებულ მომსახურებათა სიაში;

4. სახელმწიფო სერვისების განვითარების სააგენტოს ავტორიზაციის ვადა აითვალოს კვალიფიციური სანდო მომსახურების მიმწოდებლებისა და მათ მიერ შეთავაზებულ მომსახურებათა სიაში ინფორმაციის შეტანის მომენტიდან;

5. გადაწყვეტილება შესაძლოა გასაჩივრდეს თბილისის საქალაქო სასამართლოში

(მის.: ქ. თბილისი, დავით აღმაშენებლის ხეივანი, № 64) საქართველოს კანონმდებლობით დადგენილი წესითა და პირობებით, გამოქვეყნების დღიდან ერთი თვის ვადაში.

სსიპ ციფრული მმართველობის სააგენტოს თავმჯდომარე



დავით ნადირაშვილი